

leyti hefur málsmeðferðin þar verið vítalaus, og það vottast, að málsfærslan við yfirdóminn hefur verið lögmæt.

Því dæmist rjett vera:

Ákærði Halldór Jónsson sæti 4×5 daga fangelsi við vatn og brauð og greiði allan kostnað máls þessa bæði í hjeraði og fyrir yfirdómi, þar með talin málsvarnarlaun við undirrettinn til hins skipaða verjanda, Hallgríms prests Thorlacius, 8 krónur, og málflutningslaun til sækjanda og verjanda fyrir yfirdómi, cand. jur. Hannesar Thorsteinson og yfirrettarmálaflutningsmanns Gísla Ísleifssonar, 10 kr. til hvors þeirra.

Dómi þessum ber að fullnægja að viðlagðri aðför að lögum.

Nr. 30/1896:

Rjettvísin
gegn
Jóhanni Pálssyni.

D ó m u r :

Hinn ákærði Jóhann bóndi Pálsson á Goðdal í Strandasýslu er í máli þessu sakaður fyrir það, að hann hafi haft holdlegt samræði við og getið barn með dóttur sinni Jónínu Guðmundínu, sem er heyrnar- og málleysingi, rúmlega tvítug að aldri, og var hann með aukarjettardómi Strandasýslu, uppkveðnum 9. nóvbr. f. á., dæmdur til að sæta 6

ára betrunarhúsvinnu fyrir brot þetta, og til að greiða allan löglegan kostnað málsins, en dómi þessum hefur amtmaðurinn yfir Vesturamtinu skotið til yfirdómsins.

Það er sannað í málinu með eigin játningu hins ákærða, sem styðst við aðrar skýrslur, er fengnar hafa verið, að hann hafi fleirsinnis haft holdlegt samræði við dóttur sína Jónínu Guðmundínu árin 1894 og 1895 og einu sinni enn áður, og að hann hafi haft holdlegar samfarir við hana á þeim tíma, að hann geti verið faðir barns þess, sem Jónína ól 25. júlí f. á. Á hinn bóginn er eptir skýrslum málsins eigi ástæða til að ætla, að nokkur annar karlmaður hafi haft holdlegt samræði við Jónínu, en eptir vitnaframburðunum virðist hún hafa sótt eptir samvistum við föður sinn í einrúmi, og ekkert atvik bendir í þá átt, að hann hafi beitt nokkurri þvingun við hana eða sjerlegri tælingu til að komast yfir hana, en að vísu virðist málið hafa verið fremur slælega rannsakað að því þetta atriði snertir. Eptir vitnisburði heimilisfólksins svaf hún fleirsinnis í sæng með föður sínum, þegar gestir voru nætursakir í Goðdal, því að þá var það venja, að hann gekk úr rúmi sínu fyrir þeim, og þetta kom einmitt fyrir um rjettaleytið 1894.

Jónína Guðmundína, dóttir ákærða, er eptir skýrslum hlutadeigandi prests og læknis algjörlega heyrnarlaus og mállaus, og hefur engrar uppfræðslu notið; auk þess hefur hún þau líkamslýti, að hún haltrar; að öðru leyti kemur hún fyrir sjónir eins

og fólk flest í betra lagi, vinnur vanalega innan-
bæjarvinnu, og virðist hafa sæmilega skynsemi og
greind. Þeir, sem eru henni kunnugir, geta gjört
sig skiljanlega fyrir henni með bendingum. Hún
hefur ekki verið sett undir ákæru í þessu máli.

Afbrot hins ákærða Jóhanns Pálssonar, sem
er sextugur að aldri og eigi hefur áður verið sak-
aður eða dæmdur fyrir nokkurn glæp, heyrir und-
ir 162. gr. í almennum hegningarlögum 25. júní
1869, og þykir refsing sú, sem ákveðin er í auka-
rjettardóminum, 6 ára betrunarhúsvinna, hæfileg
fyrir ákærða. Með því að einnig verður að fall-
ast á málskostnaðarákvæði aukarjettardómsins, ber
að staðfesta dóm þennan eins og hann er. Svo
ber hinum ákærða og að greiða allan áfrýjunar-
kostnað málsins, og þar með málfutningslaun til
sækjanda og verjanda við yfirdóminn, sem ákveðst
10 kr. fyrir hvorn þeirra. Jafnframt og það at-
hugast, að fremur langur tími hefur liðið frá því
að málið var dæmt í hjeradi og þangað til það
kom til yfirdómsins, vottast, að rekstur þess í hjer-
adi hefur verið vítalaus og málsfærslan við yfir-
dóminn lögleg.

Því dæmist rjett vera:

Aukarjettardómurinn skal vera óraskaður.
Ákærði Jóhann Pálsson greiði allan áfrýjunar-
arkostnað sakarinnar, þar með talið málfutn-
ingskaup til sækjanda og verjanda við yfir-
dóminn, cand. jur. Hannesar Thorsteinson og

yfirrjettarmálsfærslumanns Gísla Ísleifssonar,
10 kr. til hvors.

Dóminum skal fullnægja með aðför að
lögum.

Mánudaginn 31. ágústmánaðar.

Nr. 2/1896:

Rjettvisin

gegn

Ingvari Sveinssyni og
Guðrúnu Jónsdóttur.

D ó m u r :

Mál þetta var í hjeraði höfðað gegn hinum ákærðu hjónum búandi í Koti á Rangárvöllum fyrir þjófnað og hlutdeild í þjófnaði, og gekk dómur í því fyrir aukarjetti Rangárvallasýslu 6. ágúst f. á. þannig, að ákærði Ingvar Sveinsson var samkvæmt 250., 230., 236. og 231. gr. sbr. 63. gr. almennra hegningarlaga dæmdur til að sæta 12 mánaða betrunarhússvinnu, og ákærða Guðrún Jónsdóttir samkvæmt 231. sbr. 55. og 56. gr. sömu laga sbr. einnig 58. og 63. gr. laganna dæmd í 8 mánaða betrunarhússvinnu. Svo voru hin ákærðu og dæmd til að greiða in solidum allan sakarkostnað og í iðgjöld til Guðna Kr. Guðnasonar 12 kr., Sigurðar Ólafssonar 70 a., Hjartar Oddssonar 70 a., Ólafs Jónssonar 50 a. og Jóns Böðvarssonar 6 kr. 50 a. Dómi þessum er skotið til yfirdómsins af hálfu hins opinbera.

Með eigin játningu hinna ákærðu og öðrum